

QVÆSTIO MEDICA.

Cardinalitiis disputationibus manè discutienda in Scholis Medicorum die Jovis 31 Martij

M. LUDOVICO GALLAIS, Doctore Medico, rei Herbariæ Professore, Præside.

Estne corporis exercitatio omnium saluberrima à gaudio?

EXERCITATIONEM nullam agnosco, nisi motus participem; nullam approbo, nisi laboris expertem; mediam inter utrumque, si valetudini propiciat, Medicam appello, nunc Medicis de nomine quam de facie notio. Corporis agitatione describitur, quæ consuetæ & familiaris vehementior, habitus mutatione terminetur. Hanc ferè nescias utrum anhelitus, sudoris, coloris, calorisve modo metiaris. Meminimus quidem de Gymnastica Athletarum institutione: de bellica disciplina etiam aliquid audimus. Utraque nimis laboriosa ab optima quaque sese exercendi ratione tantum absuit quantum à valendi proposito: genere tamen totuplex fuit quomplex & Medica exercitatio. Nostro motu rectè distinguitur, alieno, vel mutuo: tum præterea movendi se tarditate vel celeritate, vehementiâ vel excessu: seu quis utatur ambulatione, saltatione, cursu, pilâ, disco, folle: seu navigatione, vectione, fritione, gestatione: seu denique ludâ, umbrabili pugnâ, aut equitatione concitatori. Næ quorsum persequeretur tot veterum instituta, quæ propemodum omnia propter vetustatem, incommodum, religionem obsoleverunt: aut hodiernæ recenserem coarctorum studia & ludos, velut quædam medicarum exercitationum simulachra, quæ solâ voluptatis, nec ullâ sanitatis curâ excoluntur nunquam homini salubriora: quam cum universi corporis partes & humores communi quodam flabello satis agitantur. Ut quemadmodum ventilatio solet probum triticum à paleis spicique inanibus: sic exercitatio sanguinem, & corpus relinquit suis ab excrementorum sordibus expeditum.

SANGUIS naturæ opus, vitæ parens, animæ minister, sanitatem efficit & tuetur incorruptam, si è multiplici corporis viscere, in quo vicissim elaboratur, quoquo versum pervadit admodum idoneus singularum partium nutrimento & officio. Ad quod utrumque singulari tenuitate nitere debet & vigere, utrigant viscera, niteatque corpus integrum, & à supervacanei humoris reliquiis maximè vacuum. Hæ enim velut domesticæ hostes, vel minaces hospites, nisi per communes cujusque regionis vias & meatus exierint foras, Eheu quantas in vitali fundo turbas excitabunt! Alui, renum & vesicæ segnities, universæ perspirationis interturbatio ac difficulas, peculiarium denique tot excrementorum intus recondita spurcices, sanguini labem aspergent, aut circumeunti moras interponent. Quibus dimovendis multumne opis conferet navigatio, vectio, gestatio, tot immoti corporis motus maximè inertes? At certè nunquam impellunt, quin victati venarum & articularum succo tam salutari, prohibito deinde liberiori ejus ad partes aditu, prompta sit futura quarumlibet offensio. Quæ vix satis præcavebitur aut pilâ, aut venatione, utroque illo tam nobili quam famoso omnis exercitationis compendio. Nam si quid excrementi superis seorsim, aut inferis artubus alterutrius ope detrahatur, nemo tamen inde salutem sperabit quam ex gaudio majorem, cui secundæ aut adversæ valetudinis fontem viderit in interno corpore, neque utriusque rivulos consectabitur in externâ quadam muscutorum & ossium compage.

NON secus ac immortalis animi cum mortali corpore haud æqua in homine conjunctio, nostrum ferè sperat captum; ita etiam mutua isthæc amorum fides, qua sibi invicem agendo respondent, nihilo tardius quam pneumaticum organum pulsanti musico; vix evidentius quam cum fruenti boni, & nati fugiendi causa tantopere commovemur, at nunquam salubrius, quam cum sincerum gaudium nos delectat. Vehemens est affectio, qua animus sese effundit in hoc quodcumque boni genus, quod velut suum percepit, neque tam arcte complecti potest, quin sanguis & idoneæ quæque partes ad ejusdem complexum statim explicentur, ea corporis mutatione quæ externæ exercitationi vehementiâ non concedat, sed utilitate præferatur. Cor enim nativi caloris, quo uno vivimus, & gaudij theatrum, toties universi corporis plausum concitat: quoties pendencia ex eo vasâ & valorum ostia, quoquo animi gaudens mandata aperius patent, & insolitam sanguinis copiam ocyus transducunt. Qui succus vitali utroque foco subtiliter excoquitur, temperatus in pulmone, ut spirandi sic ridendi instrumentum, unde se recipit ad arteriarum tubos, posteaque ad intimos superiorum inferiorumque regionum ac partium recessus, quas varia deinde suæ tenuitatis ratione sibi, & agit. Cave credas eum aut ulla fibrarum virtute attrahi, aut solo cordis motu tam longè propelli. Rectius dixeris tanta spirituum, quos una calidi nativi officina excludit & transmittit, agilitate & æquabilitate deferri: quantam nulla externorum muscutorum & ossium mota possit, nisi acerrimo gaudij stimulo impellatur, aut celeritate similem ciere, aut usum salubriorem.

QUISQUIS externorum membrorum agitationem cum gaudio salubritate conferet, non minus vero aversus est, quam qui febrem ex inguinis bubone, aut brachij furunculo accensam, cum internæ & assidue febris periculo vel magnitudine comparabit. Humor quilibet & interna viscera, si ullo arum calore & commoventur & excalescunt: aut brevis erit, neque ferè utilis, qui concipietur ardor; aut diuturnus, neque multum à fatigatione, & laboris incommodo distabit. Hunc ideo segnis & privata sequitur aut incomposita corporis mutatio, alio atque alio sese vicissim torquente partium musculo, seu deambulatio pedes & crura moveat, seu turbo manus & brachia, seu pilamalleus etiam humeros. At in gaudio nobilissimum viscus, quæ ejus est tanta cum animo consensio, non modo lubitum, sed toti corpori communi emittit, æquabilemque sanguinis aspirationem; quæ lubricos & molles oculos simul acuit, os luctandum regit, genas imbuat & diducit, micantibus arteriis venas implet, nervos intendit, animam corpusque tam leni spirituum incremento demulcet, ut singulæ partes, quasi communicato lætitiæ sensu se titillantem quidem, sed internæ potissimum, sanitatis custodes, suavissimo calore perfusæ, & aperta viarum omnium libertate invitentur, ad quodlibet impuri & alieni humoris onus à probo sanguine secedendum, & per publicas privatasque meatuum vias suo tempore deponendum; quo tandem vitæ & sensuum opus suis undequaque numeris absolvatur.

EXTERNÂ tantummodo membrorum exercitatione utere, sæpè similis eris frigido Rhetori, qui tametsi gestus ad imitationem saltationis componat, parum incalescit. Verum si gaudio exercearis, vehementis Oratoris instar qui dicendi genio obtemperat & indulget suo, ut parum te commoveas, in fermento torus esse videberis. Tam facilis est, ne dicam, lubricus & præceps caloris spirituumque impulsus à lætiori animo; quam longo beneficii intervallo discepat gaudium ab externa exercitatione; & à gaudio tristitia. Tabifica isthæc animi commotio, quæ coarctato utroque succi vitalis fonte & alveo carnem, cutem, nervos & ossa exsiccat, nedum viscera refrigerat, sensuum aciem obtrundit, cursum ingeni præmit, mentem inficit, & corpus venat. Hoc deinde animi motu torpentibus, cœu melancholia ægris hominibus choræas ludosque proponas atque suadeas, id profecto sine ullo sanitatis fructu, qui solo lætitiæ commercio uberimus caperetur. Quam igitur incautus fuerit & infelix, qui in hac tanta rerum vicissitudine, contubernale non fecerit de honesta quadam hilaritate Medicinam omnium temporum & horarum! Cum præterea nefas sit cuiuscumque, nisi ventriculus consulatur & corporis status, vel lentâ deambulatione exerceri, equitatione, aut vectione; quantulâ motionis specie aut salute, si gaudium attenditur nemini non suave, nemini non salubre, dum in eo modus teneatur. Immoderatum aliquin novimus in eripiendi spiritu idem potuisse, quod fulmen. Tanta ei vis est mutandi corporis, ut hos subito compresserit quos nec timor, nec ira, nec ulla externæ exercitationis vehementia extinxisset.

Est igitur corporis exercitatio omnium saluberrima à gaudio.

Asserebat Parisiis PETRUS PAULUS GUYART, Parisinus, Baccalaureus Medicus. A. R. S. H. 1678.

